

BASES
XXV CONCURSO DE POESÍA
“CONCELLO DE CARRAL”

1.- O Concello de Carral, coa colaboración da Consellería de Cultura, Educación e Universidade da Xunta de Galicia, convoca a 25ª edición do Concurso de Poesía Concello de Carral.

2.- Poderán optar ao premio todos os autores/as maiores de idade e de calquera nacionalidade, sempre que o seu traballo se presente escrito en lingua galega. Non poden participar gañadores e gañadoras deste concurso das últimas dez (10) edicións.

3.- Fíxase un premio único de **3.500 euros**. O xurado pode declarar deserto o premio. Sobre a contía do premio aplicaranse as retencións fiscais oportunas.

4.- Os traballos, cunha extensión mínima de 500 versos, serán orixinais, inéditos e non premiados noutros concursos no momento das deliberacións do xurado. Os autores responsabilízanse de lle comunicar á organización, dun xeito inmediato, a concesión doutros premios acadados a partir da remisión dos orixinais.

Existen dúas opcións para a presentación dos traballos:

- En papel por quintuplicado, mecanografado con dobre espazo por unha soa cara, debidamente grampado ou encadernado, e coas páxinas numeradas. Cada copia dos traballos presentarase cunha portada na que figuren o título da obra e o lema ou alcume do autor/a.

- En arquivo pdf gravado nun pen drive, co texto mecanografado con dobre espazo, as páxinas numeradas e cunha portada na que figuren o título da obra e o lema ou alcume do autor/a. Nos metadatos do arquivo non poderán figurar datos persoais. No caso de existiren problemas para a apertura ou lectura do arquivo, a obra non constará como presentada.

En ambos os casos, acompañarase a obra dun sobre pechado (plica) no que figure no seu exterior o mesmo título e lema indicados na portada da obra, e conterá no interior o nome e apelidos do autor/a, fotocopia do DNI, enderezo, número de teléfono, correo electrónico e un breve currículo que incida na súa traxectoria literaria se a houbese.

5.- As obras presentarase na Casa da Cultura, Rúa de Paleo, 17, 15175 Carral, A Coruña. (Tel. 981 672 580, cultura@carral.es).

6.- O prazo de admisión de orixinais estará aberto ata o **7 de abril de 2022**.

7.- As deliberacións do xurado son secretas, e delas estenderase a acta correspondente. A decisión do xurado farase pública na primeira quincena do mes de maio e **o acto de entrega do premio terá lugar o 10 de xuño de 2022** no que é obrigatoria a presenza do gañador ou gañadora do premio.

8.- O xurado estará presidido polo alcalde do Concello de Carral ou concelleiro ou concelleira na que delegue, e formarán parte del catro persoas de recoñecido prestixio no eido da poesía galega e o autor gañador da edición anterior deste concurso. Actuará como secretario o técnico municipal de Cultura do Concello de Carral. O xurado será nomeado polo alcalde e darase a coñecer antes de realizar as deliberacións.

9.- O título do traballo gañador e o nome e apelidos do seu autor/a daranse a coñecer mediante unha comunicación persoal (chamada telefónica) ao autor/a premiado/a, na web municipal www.carral.es, así como no taboleiro de anuncios da Casa da Cultura do Concello de Carral (Rúa de Paleo 17, Carral).

- 10.-** Establécese un período de dez (10) días desde a decisión do xurado para presentar alegacións á citada decisión. As reclamacións, que se tramitarán ante o Rexistro municipal de Carral, serán valoradas e contestadas polo xurado.
- 11.-** O Concello de Carral reservarase o dereito de publicar a obra gañadora e os dereitos de autor da primeira edición. A editorial Espiral Maior será a responsable da edición e distribución comercial do libro gañador.
- 12.-** As obras e plicas presentadas non se devolverán e destruíranse unha vez finalizado o prazo de alegacións.
- 13.-** Correspóndelle ao xurado a interpretación das presentes bases.
- 14.-** A participación nesta convocatoria supón a total aceptación destas bases.
- 15.-** Toda a información relativa ao concurso publicárase na web municipal **www.carral.es**.